

Sarajevo, 31.08.2023.godine

Klub SDP-a u Skupštini Kantona Sarajevo
Zastupnik Davor Čičić

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlada Kantona Sarajevo
n/r Ministarstvo za odgoj i obrazovanje KS

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKU INICIJATIVU

Prema **Vladi Kantona Sarajevo i Ministarstvu za odgoj i obrazovanje**

Za obaveznim provođenjem evakuacijskih vježbi u osnovnim i srednjim školama u Kantonu Sarajevo minimalno jednom u toku jednog polugodišta (početkom svakog polugodišta) po evakuacijskim planovima škola kako u javnim tako i u privatnim obrazovnim ustanovama na području KS.

OBRAZLOŽENJE

Prema informacijama od strane roditelja krajem prošle školske godine dosta osnovnih i srednjih škola na prostoru Kantona Sarajevo nije imalo izrađene ili svježije ažurirane evakuacijske planove u slučaju prirodnih i drugih nesreća, dojava bombi i sličnih kriznih situacija i po informacijama sa terena neke škole godinama nisu provodile evakuacijske vježbe sa učenicima i nastavnim osobljem i uposlenicima škole.

S obzirom da je to i zakonska obaveza i s obzirom da je na žalost u posljednje vrijeme u cijeloj regiji eskalirao broj kritičnih situacija i dojava bombi u školama dostavljam navedena zastupničku inicijativu i smatram da je jako bitno da se ove vježbe provode kontinuirano kako je zakonima i propisano kako u svrhu prevencije, a i kako bi se izbjegle haotične i panične reakcije ukoliko na žalost do nekih od ovakvih situacija zaista dođe. Evakuacijske vježbe smatram moraju biti obavezne u kako u javnim tako i u svim privatnim obrazovnim ustanovama na području Kantona Sarajevo.

Ministarstvo unutrašnjih poslova KS je 2018.godine izradilo protokol koji se odnosi na postupanje u slučaju dojava o bombama u školama. Na osnovu tog protokola, sve škole su bile dužne da izrade planove evakuacije. Plan evakuacije treba sadržavati jasan i detaljan opis ustanove i predviđen prostor za siguran boravak evakuisanih osoba. Osim toga smatram i da se mora napraviti plan i o sigurnoj evakuaciji djece na način da se zna put te evakuacije.

Kako svi ti planovi ne bi bili mrtvo slovo na papiru smatram da je jako bitno organizirati vježbe za učenike i osoblje kako bi u slučaju krizne situacije plan bio rutinski ispoštovan čime potencijalno možemo spasiti i živote djece i uposlenika.

S poštovanjem,

Davor Čičić
Zastupnik SDP BiH
u Skupštini Kantona Sarajevo